

# mastersmótið 2012

MIÐVIKUDAGUR 4. APRÍL 2012



FRÉTTABLAÐIÐ

NORDICPHOTOS/GETTY

## Bein útsending á Stöð 2 sport frá Mastersmóttinu 2012

Bein útsending verður alla keppnisdagana frá Mastersmóttinu á Stöð 2 sport. Dagskráin hefst á miðvikudagskvöld þar sem sýnt verður beint frá upphitunarmótti sem fram fer á par 3 holu velli á Augusta. Árni Páll Hansson og Þorsteinn Hallgrímsson, golfsérfræðingar Stöðvar 2, sjá um að lýsa móttinu alla fjóra keppnisdagana.

**MIÐVIKUDAGUR 4. APRÍL**  
19:00-21:00 [Stöð 2 Sport 4]  
Sýnt frá par 3 holu upphitunarmóttinu.

**FIMMTUDAGUR 5. APRÍL**  
19:00 [Stöð 2 Sport 3]

**FIMMTUDAGUR 5. APRÍL**  
21:00 [Stöð 2 Sport]

**FÖSTUDAGUR 6. APRÍL**  
19:00 [Stöð 2 Sport 3]

**FÖSTUDAGUR 6. APRÍL**  
20:00 [Stöð 2 Sport]

**LAUGARDAGUR 7. APRÍL**  
19:30 [Stöð 2 Sport]

**SUNNUDAGUR 8. APRÍL**  
18:00 [Stöð 2 Sport]



### Beint frá vellinum

Það kemur á óvart hve völlurinn er hæðóttur, segir Þorsteinn Hallgrímsson, sem skrifar beint frá Augusta National-vellinum. **Síða 2**



### Lokar sig af fyrir mótið

Rory McIlroy freistar þess að bæta um betur eftir eftirminnilega slakt gengi í lokahringnum á Meistararmóttinu í fyrra.

**Síða 4**

### Grænir jakkar og hvítir samfestingar

Hefðirnar spila stóra rullu í framvindu Meistaramótsins, enda spannar saga mótsins hartnær áttatíu ár.

**Síða 8**





Ungu kylfingarnir söfnuðu eiginhandaríritunum við æfingasvæðið á Augusta og voru þeir ánægðir.

MYND/FRIÐIRK ÞÓR

Friðrik Þór Halldórsson, myndatökumaður Stöðvar 2 sport, og Þorsteinn Hallgrímsson golfsérfræðingur eru á Augusta-vellinum í Georgíu. Afrakstur ferðarinnar verður sýndur á Stöð 2 sport.

# Eftirvænting – og spennna ríkir fyrir Mastersmótið

● Þorsteinn Hallgrímsson skrifar frá Augusta-vellinum í Georgíu.

Mastersmótið er fyrsta risamót ársins og því ríkir mikil eftirvænting bæði hjá leikmönnum sem og áhorfendum um hvernig kylfingar koma inn í nýtt tímabil. Umgjörðin hér í Augusta er þannig að allt snýst um mótið þessa viku og það er nánast hægt að skera andrúmsloftið því spennan er svo mikil hér í bænum. Hér tala margir um einvígi á milli Tiger Woods og Rory McIlroy þar sem þeir eru taldir heitustu kylfingarnir í dag. Ég persónulega tel að þeir sem eru á innan við 6 höggum frá efsta manni fyrir lokadag eigi góðan möguleika á sigri með flottum hring á lokadegi.

Við megum ekki gleyma frábærum lokaholum hjá meistara síðasta árs, Charl Schwartzel, frá Suður-Afríku sem fékk fjóra fugla á fjórum síðustu brautum vallarins eftir að hafa verið höggi á eftir Jason Day og Adam Scott þegar hann stóð á 15. teig. Það er allavega alveg á hreinu að það eru mörg ár síðan það hefur verið svona mikil spennna fyrir þetta sögufræga mót sem fyrst var haldið árið 1934. Ég get fullyrt eftir að hafa gengið völlinn hér á æfingadögnum þá eru allar aðstæður frábærar fyrir leikmenn til þess að leika gott golf en ég segi ekki að þær séu auðveldar.


Mesti munurinn við völlinn frá því að vera á staðnum eða horfa á í sjónvarpi er hve völlurinn er hæðottur. Á mörgum brautum er hæðarmismunur frá teig að flöt 10-30 metrar. Einnig er gaman að sjá hvað flatirnar eru litlar og hve mikið landslag er í þeim. Nú skilur maður mun betur þegar þessir frábæru kylfingar eru að þrjúþátta kannski 3 metra þútt. Það er engin kargi á vellinum og utan brautar er grasið slegið í um 15 mm.

Umhirða og snyrtimennska á vellinum og öllu svæðinu er langt fram úr öllu sem ég hef séð. Það er alveg á hreinu að völlurinn skartar sínu fegursta þessa vikuna og hér talar fólk um að mest spennandi Mastersmótið í tugi ára hefjist á fimmtudag þar sem Tiger Woods, Phil Mickelson, Luke Donald og Rory McIlroy hafi allir unnið mót á síðustu viku og eru í fantaformi.

Eitt er víst að Mastersmótið árið 2012 hefur sjaldan boðið upp á meiri spennu. Tilhlökkunin er því mikil hjá golfunnendum og er ég á meðal þeirra. Góða skemmtun.

## U.S. Masters 2012

Brautir Augusta-vallarins eru allar nefndar eftir gróðri, trjám eða blómategundum sem einkenna hverja braut.



Source: Augusta National Golf Club

© GRAPHIC NEWS

Hola	1	2	3	4	5	6	7	8	9	Út	10	11	12	13	14	15	16	17	18	Inn	Samtals
Par	4	5	4	3	4	3	4	5	4	36	4	4	3	5	4	5	3	4	4	36	72
Metrar	407	525	320	220	416	164	412	521	420	3.400	453	462	142	466	402	485	155	402	425	3.392	6.792
Yardar	445	575	350	240	455	180	450	570	460	3.725	495	505	155	510	440	530	170	440	465	3.710	7.435



## Fær kona loksins inngöngu í klúbbinn?

Öðru hverju hefur umræðan um skort á kvenfólki í Augusta Nationalklúbbnum skotið upp kollinum. Fyrir níu árum gerði Martha Burke, formaður Alþjóðasamtaka kvenna (NOW), alvarlegar athugasemdir við þá staðreynd að kona hefði aldrei verið tekin inn í



Virginia „Ginni“ Rometty

Hún boðaði til mótmæla og náði að vekja máls á umræðunni, án teljanlegs árangurs þó.

Í ár gæti þó farið að hitna undir kolunum í þessum efnum fyrir alvöru. Ástæðan er að nýr forstjóri hjá IBM, Virginia M. Rometty, er kona. Í árána rás hefur for-

stjóra IBM-fyrirtækisins sjálfkrafa verið boðin aðild að Augusta-klúbbnum, en þeir hafa til þessa allir verið karlkyns. Það er líka ólíklegt að þessi regla verði felld niður, þar sem IBM er einn af þremur stærstu styrktaraðilum Meistaramótisins.

Sitjandi stjórnarformaður klúbbsins, Billy Payne, hefur enn ekki gefið frá sér yfirlýsingu um hver ákvörðun stjórnarinnar verður í þessu máli, en hefur lofað niðurstöðu að Meistaramótinu loknu. Payne sagðist ekki vilja skyggja á mótið sjálft með umræðunni.



Tiger Woods er sá yngsti sem hefur sigrað á Mastersmótinu og Jack Nicklaus er sá elsti. Nicklaus var 46 ára þegar hann sigraði árið 1986. FRÉTTABLAÐIÐ/AP

● **SÁ ELSTI OG SÁ YNGSTI** Elsti maðurinn sem farið hefur með sigur á mótinu var Jack Nicklaus, en hann var 46 ára og 82 daga gamall þegar hann fór með sigur af hólmi árið 1986. Yngsti sigurvegarinn frá upphafi er Tiger Woods, sem var 21 árs og 104 daga gamall þegar hann vann mótið í fyrsta sinn árið 1997.

Yngsti þátttakandinn í Meistaramótinu frá upphafi er Matteo Manassero, sem var 16 ára og 356 daga gamall á mótinu árið 2010.

Þá hefur Gary Player tekið oftast þátt í mótinu, eða alls 52 sinnum.

Þá varð Kanadamaðurinn Mike Weir fyrsti örvhenti maðurinn til að bera sigur úr býtum á Meistaramótinu, árið 2003. Phil Mickelson er einnig örvhentur, en hann hefur þrívísnið unnið keppnina, árin 2004, 2006 og 2010.

## Kaymer í erfiðleikum með Augusta-völlinn

Martin Kaymer vonast til þess að ná loksins tókum á Augusta-vellinum en Þjóðverjinn hefur enn ekki náð að komast í gegnum niðurskurðinn á þessu móti. Kaymer er í sjötta sæti heimslistans og hefur sigrað á einu risamóti á ferlinum, PGA-meistaramótinu. Á æfingahring fyrir mótið í ár sló Kaymer „sýningarhögg“ á 16. braut þar sem hann lét boltann fleyta kellingar á leið sinni að flötinni. Höggid reyndist fullkomið og fór boltinn ofan í holuna – golf er jú einföld íþrótt. Það varð allt vitlaust á meðal áhorfenda við 16. flötina sem eru ávallt fjölmargir á æfingadögnum.

Þetta högg skiptir hins vegar engu máli fyrir Kaymer sem var um tíma í efsta sæti heimslistans. Kaymer á ekki góðar minningar frá Augusta-vellinum enda aldrei komist í gegnum niðurskurðinn í þau fjögur skipti sem hann hefur




Martin Kaymer hefur enn ekki komist í gegnum niðurskurðinn á Masters.

tekið þátt. Hinn 27 ára gamli Kaymer segir að hann sé bjartsýnn fyrir mótið í ár. „Mér líður betur og það er meira sjálfstraust til staðar. Ég þarf að finna leiðir til þess að koma boltanum í leik,“ sagði Kaymer í gær en boltaflug hans í teighöggnum hefur ekki átt vel við Augusta-völlinn. Hann lék tvo æfingahringi með landa sínum Bernhard Langer sem tvívísni hefur sigrað á Mastersmótinu.



# PÁSKASUND

Flýtur meðan ekki sekkur



Lykill að góðri heilsu

## Afgreiðslutími um páska

	Skírdagur 5. apríl	Föstud. langi 6. apríl	Laugardagur 7. apríl	Páskadagur 8. apríl	Annar í Páskum 9. apríl
ÁRBÆJARLAUG	kl. 11-19	kl. 10-18	kl. 9-17	kl. 10-18	kl. 11-19
BREIÐHOLTSLAUG	kl. 10-18	Lokað	kl. 9-17	Lokað	kl. 10-18
GRAFARVOGSLAUG	kl. 10-18	Lokað	kl. 10-18	Lokað	kl. 10-18
KLÉBERGSLAUG	kl. 11-15	Lokað	kl. 11-15	Lokað	kl. 11-15
LAUGARDALSLAUG	kl. 8-22	kl. 10-18	kl. 8-22	kl. 10-18	kl. 8-22
SUNDHÖLLIN	kl. 10-18	Lokað	kl. 8-16	Lokað	kl. 10-18
VESTURBÆJARLAUG	kl. 11-19	Lokað	kl. 9-17	Lokað	kl. 11-19



Laugarnar í Reykjavík

www.itr.is | sími 411 5000



# Norður-Írinn lifir í „andlegri-Greg Norman“ blöðru

Rory McIlroy er á góðri leið með að verða einn þekktasti kylfingur heims en hann á enn töluvert í land að ná Tiger Woods í vinsældum. Hinn 22 ára Norður-Íri var í dauðafæri fyrir ári á lokadegi Mastersmótsins þar sem hann mætti til leiks í síðasta ráshóp með fjögurra högga forskot á keppinauta sína. McIlroy klúðraði lokahringnum með eftirminnilegum hætti og lék eins og meðalskussi í íþróttinni, á 80 höggum. Charl Schwartzel frá Suður-Afríku sigraði á mótinu en fæstir muna eftir því. Klúðrið hjá McIlroy stóð upp úr þegar mótið var gert upp í fjölmiðlum.

McIlroy lærði af reynslunni og hann reis upp úr öskunni átta vikum síðar þegar hann sigraði með glæsibrag á Opna bandaríska meistaramótinu – og landaði þar með sínum fyrsta sigri á einu af risamótunum fjórum sem fram fara á hverju ári. McIlroy ætlar að læra af reynslunni og mun hann loka sig algjörlega frá því sem er að gerast í hinu daglega lífi á meðan Mastersmótið fer fram. Hann ætlar að búa til „andlega blöðru“ sem hann mun dvelja í á meðan keppnin fer fram.

McIlroy fékk góð ráð frá reyndum köppum eftir lokadaginn á Mastersmótinu fyrir ári. Þar fór fremstur í flokki „Hvíti hákarlinn“ Greg Norman frá Ástralíu. Ef einhver þekkir þá tilfinningu að standa uppi með ekki neitt í höndunum eftir loka-

line Wozniacki frá Danmörku. Á undanförunum 16 mánuðum hefur McIlroy verið í samstarfi við Steve McGregor sem er einn þekktasti styrktarþjálfari Bretlands. McGregor hafði áður gjörbreytt líkamsástandi enska kylfingsins Lee Westwood sem er í þriðja sæti heimslistans.

Í viðtali við bandaríska tímaritið Men's Health segir McIlroy að hann hafi öðlast meiri stöðugleika í golfsveiflunni eftir að hann hóf að taka á lóðunum af enn meiri krafti en áður.

McIlroy verður seint sagður „tröll að vexti“ en hann er rétt um 72 kg að þyngd og 1,80 m á hæð. Hann leikur sér að því að slá 270 metra upphafshögg en aukin höggglengd var ekki það sem McIlroy vildi fá út úr styrktaræfingunum. Höggglengd Norður-Írans ætti að nýtast vel á Augusta

**Ég þarf að loka mig algjörlega af og einbeita mér að golfinu og mótinu sjálfu. Ég hef verið að æfa mig í þessu og það hefur gengið vel.**

dag á risamóti þá er það Norman. Hann hefur átta sinnum á ferlinum enda í öðru sæti á stórmóti – sem er reyndar ekki met. Jack Nicklaus endaði 19 sinnum í öðru sæti og Bandaríkjamadurinn Tom Watson deilir öðru sætinu með Norman á þessum lista.

„Greg Norman hefur ávallt gefið sér tíma til þess að ráðleggja mér og hann er frábær manneskja sem vill öllum vel. Hann hafði samband við mig eftir mótið á Augusta í fyrra og gaf mér góð ráð. Eitt af þeim var að ég ætti ekki að fylgjast með því sem er að gerast fyrir utan golfvöllinn á meðan mótið fer fram. Ekki lesa blöð, horfa á sjónvarpsfréttir eða nota samskiptavefi. Ég þarf að loka mig algjörlega af og einbeita mér að golfinu og mótinu sjálfu. Ég hef verið að æfa mig í þessu og það hefur gengið vel. Norman náði góðum tókum á þessu þegar hann var á hátindi ferilsins og ég hlusta þegar hann gefur mér ráð,“ sagði McIlroy.

#### BROCCOLI OG KJÚKLINGUR Í ÖLL MÁL

Hinn 22 ára gamli Norður-Íri hefur komið með ferska vinda inn í atvinnugolfið og áhugi fjölmiðla á kylfingnum hefur stóraukist eftir að hann opinberaði samband sitt við eina bestu tenniskonu heims, Caro-

en högglangir kylfingar hafa oft haft betur en þeir sem slá styttra á þessu stórmóti.

Styrktarþjálfun McIlroy hefur m.a. snúist um að fá betra jafnvægi í vöðvastyrkinn í efri hlutan en aðaláherslan var lögð á að styrkja neðri líkamshluta á borð við mjaðmir, kálfa og lærvöðva þar sem krafturinn í golfsveiflunni verður til.

Líkamsfituhlutfallið hjá McIlroy hefur lækkað mikið á síðustu mánuðum og hann hefur einnig gjörbreytt matarvenjum sínum. Kjúklingur og brokkólí er aðalrétturinn hjá einum besta kylfingi heims.

#### EINSTAKUR KYLFINGUR

Hinn reyndi kylfingur Gary Player frá Suður-Afríku spáir því að Rory McIlroy eigi eftir að vinna fleiri stórmót en Player gerði sjálfur á löngum ferli sínum. Player sigraði alls á 9 stórmótum og þar af tvívegis á Mastersmótinu. Hinn 76 ára gamli Player hefur mikla trú á Norður-Íranum. „Þessi ungi maður hefur hæfileika. Þegar hann fer að sýna meiri stöðugleika í púttunum þá á hann eftir að vinna fleiri risamót. Það eru margir með hæfileika þarna úti, þar má nefna Charl Schwartzel og Jason Day – en Rory er einstakur,“ sagði Player í viðtali við breska dagblaðið Daily Mail á dögunum.



## Rory McIlroy óttast ekki Tiger Woods

Endurkoma Tiger Woods inn á golfsviðið hefur án efa vakið athygli hjá keppinautum hans. Woods sigraði á Arnold Palmer-meistaramótinu fyrir rúmri viku. Það var fyrsti sigur hans á atvinnumóti frá árinu 2009 og Woods virðist vera á réttri leið eftir ömurlegt gengi. Rory McIlroy fagnar því að Tiger Woods sé að ná sér á strik – og segir að það sé frábært fyrir golfíþróttina sem slíka. En

hinn 22 ára gamli Norður-Íri er ekkert smeykur við þá samkeppni sem fylgir því að Tiger Woods sé jafnvel að nálgast sitt besta form. „Að mínu mati er það gott fyrir golfíþróttina að Tiger Woods sé að leika vel að nýju. Hann skapar stemningu og eftirvæntingu sem enginn annar getur gert. Fyrir mig persónulega skiptir þetta engu máli. Ég þarf bara að einbeita mér að því sem ég geri,“ sagði McIlroy.



## Ofurparið Wozniacki og McIlroy

Það eru ekki bara kylfingarnir sjálfir sem vekja eftirtekt heimspressunnar. Talsvert er skrifað og skrafað um eiginkonur kylfinganna. Skemmst er að minnast þess áhuga sem Elin Nordegren, fyrrverandi eiginkona Tigers Woods, vakti á hliðarlínunni þegar Woods var að keppa. Woods ku hafa verið lítið hrifinn af athyglinni sem eiginkonan fékk.

Caroline Wozniacki er trúlega þekktust þeirra eiginkvenna sem mæta til leiks nú um helgina, en hún er einn fremsti tennisleikari heims um þessar mundir. Hún er kærasta kylfingsins knáa, Rory McIlroy, og verður því eflaust á hliðarlínunni þegar hann freistar þess að næla sér í græna jakkann nú um helgina. Wozniacki er af pólsku bergi brotin en er fædd og uppalin í Danmörku. Hún sat í efsta sæti heimslistans í tennis í alls 67 vikur samfleytt, allt fram til janúar síðastliðins. Þau Wozniacki og McIlroy eru því sannkallað ofurpar.



Caroline Wozniacki frá Danmörku og Rory McIlroy vekja ávallt mikla athygli hvar sem þau koma.

## Taktu þátt í Getraun á Golfspjall.is

og þú getur unnið Pure Grips í lit að eigin vali



Besta ákvörðun sem þú getur tekið er að skipta um grip á kylfunum.

Pure Grips hafa fengið frábæra dóma fyrir gæði, eiginleika og endingu.

Veldu réttu gripin, veldu Pure Grips.



Ásetning & pantanir á [golfgrip@golfspjall.is](mailto:golfgrip@golfspjall.is)  
Sími 821 0152  
[www.puregrips.com](http://www.puregrips.com)  
[www.golfgrip.is](http://www.golfgrip.is)



Luke Donald er efstur á heimslistanum en fáir hafa trú á því að hann sigri á Mastersmótinu.

## Efsti kylfingur heimslistans er í skugganum

Það virðast afar fáir hafa trú á því að Luke Donald frá Englandi nái að landa sigri á Mastersmótinu – þrátt fyrir þá staðreynd að hann er í efsta sæti heimslistans. Donald hefur lítið verið í umræðunni og Tottenham-aðdáandinn er örugglega hæstánægður með þá pressu sem sett er á Tiger Woods og Rory McIlroy fyrir þetta mót.

Síðasta keppnistímabil var stórkostlegt hjá Donald en hann sigraði á einu móti í PGA-mótaröðinni og einu í Evrópumótaröðinni. Hann var efstur á peningalistanum í PGA-mótaröðinni í Bandaríkjunum og einnig í Evrópu-

mótaröðinni. Hann tryggði sér efsta sætið á peningalistanum í Bandaríkjunum með sigri á síðasta móti ársins eftir harða baráttu við Webb Simpson.

Donald hefur farið frekar rólega af stað á þessu tímabili. „Ég er ekkert að velta þessu fyrir mér en fjölmiðlar virðast ekki hafa mikla trú á mér. Golfþróttin er á góðum stað. Það er mikil spenna í loftinu, bestu kylfingarnir eru að leika vel. Þetta lítur vel út,“ sagði Donald á Augusta í gær. Hann hefur enn ekki náð að sigra á stórmóti en hann hefur tvívegis verið á meðal 5 efstu á Augusta. Hann varð þriðji árið 2005 og í fjórða sæti í fyrra.

## Golfsettið ferðast frítt!



Þú nýtur þessara hlunninda:


- Þú greiðir ekkert gjald fyrir golfsettið þegar þú ferðast með Icelandair.
- Þú færð ýmis tilboð á golfvöllum hér heima og erlendis og hjá samstarfsaðilum Icelandair Golfers.

Innifalið í 5.900 kr. árgjaldi er m.a.:

- 2.500 Vildarpunktur
- 2.000 kr. gjafabréf í Saga Shop
- 100 æfingaboltar í Básun
- Merkisþjald á golfpokann

Icelandair Golfers er klúbbur sem auðveldar þér að spila golf út um allan heim.

+ Skráðu þig í Icelandair Golfers á [www.icelandairgolfers.is](http://www.icelandairgolfers.is)



Félagar með Premium Icelandair American Express® frá Kreditkortu greiða ekkert árgjald í Icelandair Golfers



Golfers



## 20 EFSTU Á HEIMSLISTANUM

1. Luke Donald, England	9.70 stig
2. Rory McIlroy, Norður-Írland	9.59 stig
3. Lee Westwood, England	7.76 stig
4. Hunter Mahan, Bandaríkin	5.75 stig
5. Steve Stricker, Bandaríkin	5.67 stig
6. Martin Kaymer, Þýskaland	5.64 stig
7. Tiger Woods, Bandaríkin	5.53 stig
8. Charl Schwartzel, Suður-Afrika	5.09 stig
9. Justin Rose, England	5.06 stig
10. Webb Simpson, Bandaríkin	5.03 stig
11. Jason Day, Ástralía	4.97 stig
12. Dustin Johnson, Bandaríkin	4.92 stig
13. Adam Scott, Ástralía	4.87 stig
14. Phil Mickelson, Bandaríkin	4.82 stig
15. Graeme McDowell, Norður-Írland	4.80 stig
16. Bubba Watson, Bandaríkin	4.56 stig
17. Bill Haas, Bandaríkin	4.51 stig
18. Matt Kuchar, Bandaríkin	4.46 stig
19. Keegan Bradley, Bandaríkin	4.29 stig
20. Nick Watney, Bandaríkin	4.18 stig

## Par 3 holu mótið – létt upphitun

Í kvöld hefst Mastersmótið með óformlegum hætti þegar keppt verður á par 3 holu velli sem staðsettur er á Augusta-vellinum. Keppnin fór fyrst fram árið 1960 á velli sem tekinn var í notkun



Luke Donald

árið 1958. Keppendur eru frekar afslappaðir yfir þessu móti og leyfa jafnvel börnum sínum að taka þátt með ýmsum hætti. George Cobb golfvallaarkitekt og Clifford Roberts, fyrrum formaður Augusta, sáu um að hanna völinn. Þeir sem keppa á þessu móti eru keppendur Mastersmótsins í ár, fyrrum sigurvegarar Mastersmótsins sem eru ekki keppendur í ár, auk heiðursgesta. Völlurinn er par 27 og er rétt um 1.000 metrar að lengd. Tvær tjarnir eru áberandi á þessum velli. Luke Donald frá Englandi sigraði á par 3 holu móti í fyrra – en það hefur aldrei gerst að sigurvegari á par 3 holu móti hafi fengið græna jakkann í kjölfarið. Það bíða flestir eftir því að þessari „bölun“ verði létt af par 3 holu móti.

Keppendur hafa farið holu í höggi 73 sinnum á móti og met var sett árið 2002 þegar fimm kylfingar fóru holu í höggi. Vallarmetið er 20 högg eða -7, og því meti deila þeir Art Wall (1965) and Gay Brewer (1973). Sýnt verður frá par 3 holu móti í fyrsta sinn á Íslandi í ár og hefst útsendingin kl. 19 á Stöð 2 sport í kvöld.



Hank Haney og Tiger Woods náðu góðum árangri á meðan þeir unnu saman. Woods sigraði á sex risamótum og yfir 30 PGA-mótum á árunum 2004-2010.

# Kveikir umdeild bók neistann hjá Tiger Woods?

Hank Haney, fyrrum þjálfari Tigers Woods, gaf út bók á dögunum þar sem hann fjallar um þann tíma sem hann var aðalþjálfari besta kylfings heims. Haney og Tiger Woods voru nánir samstarfsfélagar á árunum 2004-2010 en Haney sagði upp störfum skömmu eftir að upp komst um framhjáald Tigers Woods í lok ársins 2009. Árangur þeirra var góður því Tiger Woods sigraði á alls sex stórmótum og 30 PGA-mótum á meðan hinn 57 ára gamli Haney var aðalþjálfari hans.

Golfkennarar og þjálfarar sem starfa með atvinnukylfingum í PGA-mótaröðinni eru margir hverjir afar óánægðir með bókina hjá Haney. Þeir telja að hann hafi rofið trúnað við „skjólstæðing“ sinn og það sé ekki í verkahring golfkennara að tjá sig eða skrifa um það sem gerist í einkalífi kylfinga.

Haney er á öðru máli og telur sig hafa rétt á því að greina frá minningum sem hann deilir með Tiger Woods. Og það þarf ekki að segja frá því að Tiger Woods er ekkert sérstaklega ánægður með útgáfu bókarinnar. Bókin kom út föstudaginn 23. mars, þegar Woods var að keppa á öðrum keppnisdegi Arnold Palmer-meistaramótsins á Bay Hill. Það er ekki loku fyrir það skotið að Woods hafi

notað útgáfu bókarinnar til þess að efla sig enn frekar fyrir mótið – því hann stóð uppi sem sigurvegari og landaði sínum fyrsta alvörutitli eftir 30 mánaða bið.

Í bókinni lýsir Haney m.a. því sem gerðist hjá þeim sem voru í innsta kjarna hjá Tiger Woods. Haney segir að það hafi oft verið erfitt að fara út að borða með Tiger. „Þegar hann var búinn að borða þá var máltíðinni lokið að hans mati. Tiger var fljótur að borða, það skipti engu þótt aðrir við borðið ættu eftir að klára sitt. Í hvert sinn sem við náðum í skyndibita fyrir utan golfvöllinn þá fór ég að ná í matinn og borgaði hann líka. Tiger tók aldrei þátt í því að borga,“ skrifar Haney m.a. í bókinni.

Englendingurinn Ian Poulter er

ekki á vinalista Tigers Woods ef marka má sögu sem Haney segir frá í bókinni. Woods og Poulter voru staddir á Oakmont-vellinum á æfingahring fyrir opna bandaríska meistaramótið 2007. Woods var með einkaflugvélinu til reiðu sem beið eftir honum á meðan hann kláraði æfingahringinn. Poulter vissi af þessu og gekk hann til Tigers og spurði. „Hvernig komust við heim?“ og var að óska eftir því að Tiger myndi bjóða honum far en þeir voru nágrannar í Orlando á þessum tíma. Tiger tók fálega í ósk Poulters sem gafst ekki upp og birtist á flugvellinum og beið eftir því að fá far með vélinni. Ætlunarverkið tókst og á meðan þeir voru í fluginu sendi Tiger Woods sms-skilaboð á Haney. Þar stóð: „Ég trúi því varla að þessi h...viti hafi grenjað út far.“

## SPILAR UPP Á ARMBEYGJUR Í STAÐ PENINGA

Árstekjur Tigers Woods undanfarinn áratug eða svo hafa verið um 100 milljónir dollara eða sem nemur 12-13 milljörðum kr. Það er því ekki mikil hvatning fyrir Tiger Woods að spila upp á pen-

inga á golfvellinum og samkvæmt bók Haney þá veðjaði hann um armbeygjur í stað peninga. Það var mjög algengt að Woods veðjaði um 150 armbeygjur fyrir hvert högg sem munaði í keppninni. „Eitt sinn þurfti Woods að taka 600 armbeygjur til þess að gera upp veðmál á Isleworth-vellinum,“ segir í bók Haney.

## ENGIN FAGNAÐARLÆTI EÐA VEISLUR

Elin Nordgren, fyrrverandi eiginkona Tigers Woods, var „au pair“ hjá sænska kylfingnum Jesper Parnevik þegar þau kynntust. Elin var vön því að upplifa mikil veisluhöld á heimili Parneviks í þau skipti sem hann sigraði á PGA-golfmóti. Parnevik hefur fram til þessa sigrað á 5 PGA-mótum og er ekki líklegur til þess að bæta við fleiri slíkum titlum í safnið. Samkvæmt bók Haney vildi Elin halda upp á sigra Tigers Woods með svipuðum hætti en það kom ekki til greina. Elin mátti ekki sýna nein viðbrögð úti á golfvellinum í þau skipti sem hún var viðstödd þegar Tiger Woods fagnaði sigri. Að hans mati átti það ekki að koma henni á óvart að hann myndi sigra – slíkt væri venja frekar en undantekning.

## • AÐEINS ÞRÍR KYLFINGAR HAFU VARIÐ TITILINN

Aðeins 16 kylfingar hafa náð því að sigra oftast en einu sinni á Mastersmóti. Jack Nicklaus á metið en hann á 6 græna jakka. Arnold Palmer og Tiger Woods koma þar næstir með alls 4. Aðeins þrjú kylfingar hafa náð að verja titilinn á Masters. Bandaríkjamadurinn Jack Nicklaus var sá fyrsti en hann sigraði árið 1965 og 1966. Englendingurinn Nick Faldo var annar í röðinni, 1989 og 1990. Og Tiger Woods er sá þriðji en hann varði titilinn 2002. Tölfræðin er því ekki með Suður-Afríkumanninum Charl Schwartzel fyrir titilvörnina. Schwartzel sýndi enga snilldar-takta um sl. helgi á Shell-meistaramóti í PGA-mótaröðinni en þar komst Suður-Afríkumadurinn ekki í gegnum niðurskurðinn þegar keppni var hálfnuð.



Charl Schwartzel er ekki með tölfræðina með sér í titilvörninni á Augusta.

## MARGFALDIR SIGURVEGARAR Á MASTERSMÓTINU

Jack Nicklaus	6 sinnum	1963, 1965, 1966, 1972, 1975, 1986
Arnold Palmer	4 sinnum	1958, 1960, 1962, 1964
Tiger Woods	4 sinnum	1997, 2001, 2002, 2005
Jimmy Demaret	3 sinnum	1940, 1947, 1950
Sam Snead	3 sinnum	1949, 1952, 1954
Gary Player	3 sinnum	1961, 1974, 1978
Nick Faldo	3 sinnum	1989, 1990, 1996
Phil Mickelson	3 sinnum	2004, 2006, 2010
Horton Smith	2 sinnum	1934, 1936
Byron Nelson	2 sinnum	1937, 1942
Ben Hogan	2 sinnum	1951, 1953
Tom Watson	2 sinnum	1977, 1981
Seve Ballesteros	2 sinnum	1980, 1983
Bernhard Langer	2 sinnum	1985, 1993
Ben Crenshaw	2 sinnum	1984, 1995
José María Olazábal	2 sinnum	1994, 1999



# ÞÚ FÆRÐ ECCO GOLFSKÓNA Í ÖLLUM HELSTU GOLF- OG SKÓOVERSLUNUM LANDSINS



STREET  
JUNIOR



Vörunr.: 733503 • Stærðir 33 - 40 • **kr. 13.995**

STREET  
HERRA



Vörunr.: 39184 • Stærðir 39 - 47 • **kr. 19.995**

BIOM  
HYBRID  
HERRA



Vörunr.: 131504 • Stærðir 40 - 47 • **kr. 24.995**

BIOM  
HERRA



Vörunr.: 131004 • Stærðir 39 - 47 • **kr. 34.995**



Vörunr.: 131014 • Stærðir 39 - 46 • **kr. 36.995**

STREET  
DÖMU



Vörunr.: 121023 • Stærðir 35 - 42 • **kr. 19.995**



Vörunr.: 121023 • Stærðir 35 - 42 • **kr. 22.995**

BIOM  
DÖMU



Vörunr.: 100003 • Stærðir 35 - 42 • **kr. 34.995**

ECCO - KRINGLAN  
STEINAR WAAGE - SMÁRALIND & KRINGLAN  
GOLFBÚÐIN - HAFNARFIRÐI  
GOLFSKÁLINN - REYKJAVÍK  
SKÓBÚÐIN - KEFLAVÍK

SKÓHÚSIÐ - AKUREYRI  
NÍNA - AKRANESI  
SKÓBÚÐ - SELFOSS  
AXEL Ó - VESTMANNEYJUM  
SKÓR.IS - NETVERSLUN

**ecco®**



# Grænar flatir og grænstakkar

● Fjölmargir golfáhugamenn og -konur telja Meistaramótið í golfi vorboðann ljúfa, golfsumarið er á næsta leiti þegar þetta stórmót er haldið í Augusta National-golfklúbbnum í Bandaríkjunum aðra helgina í apríl ár hvert. Sögu mótsins má rekja aftur til ársins 1934 og fjölmargar hefðir hafa fest sig rækilega í sessi í tengslum við mótið í árána rás. Þá er til mikils að vinna fyrir sigurvegarann sem auk verðlaunafjár fær að klæðast grænum jakka.

Það var áhugamannakylfingurinn og Bandaríkjamadurinn Bobby Jones sem stóð fyrir stofnun mótsins, í samstarfi við kollega sinn Clifford Roberts í byrjun fjórða áratugar síðustu aldar. Þeir byrjuðu á að festa kaup á landsvæði í Augusta í Georgíuríki í Bandaríkjunum. Þar langaði Bobby að einbeita sér að uppbyggingu nýs vallar eftir að hafa sjálfur lagt kylfuna á hilluna.

Bobby, eða Robert Tyre Jones Jr., er einn þekktasti áhugamannakylfingur sögunnar. Hann var lærður lögfræðingur og starfaði sem slíkur lengst af. Hann þótti þó afburðakylfingur og vann til að mynda Opna bandaríska meistaramótið fjórum sinnum. Hann þótti með eindæmum réttisýnn og heiðarlegur og þekkt varð þegar hann lét sjálfur dómara vita af því að hann hefði rekið kylfu sína í boltann á velli. Tilkynningin kostaði hann tvö högg og þar með sigurinn á umræddu móti, en viðbrögð hans þykja einkennandi fyrir drengskap hans.

Það þykir videigandi í ljósi uppruna Meistaramótsins að halda tengslum við áhugamenn í golfinu og ár hvert er sigurvegurum frá móti áhugamanna boðin þátttaka. Þá leikur núverandi sigurvegari í Bandaríska áhugamannamótiinu alltaf í sama hópi og sigurvegari Meistaramótsins frá síðasta ári, fyrstu tvo daga mótsins.

Auk þess fá þeir kylfingar sem manna fimmtíu efstu sæti heimslistans í golfi boð um að taka þátt í Meistaramótiinu ár hvert. Þá öðlast fyrirverandi sigurvegarar á mótiinu þátttökurétt til æviloka. Þau vinsamlegu tilmæli hafa þó borist frá hæstráðendum í Augusta National-klúbbnum að fyrrum sigurvegarar sem komnir eru af léttasta skeiði nýti sér ekki þennan þátttökurétt sinn.

## GRASINU SKIPT ÚT

Fyrsta mótið var svo haldið í mars árið 1934 þar sem holar 10 til 18 voru leiknar sem fyrstu 9 holurnar og holar 1 til 9 þær síðari. Því var svo víxlað árið eftir og hefur það fyrirkomulag haldist allar götur síðan. Ólíkt helstu stórmótum heims í golfi er Meistaramótið nefnilega alltaf spilað á sama vellinum, Augusta National-vellinum, sem hannaður var af Bobby Jones í samstarfi við vallarhönnuðinn Alister MacKenzie.

Völlurinn hefur þó tekið talsverðum breytingum frá því að hann var fyrst opnaður árið 1933. Fjölmargir vallarhönnuðir hafa lagt hönd á plóg í gegnum tíðina þegar flatirnar hafa verið endurbýggðar og endurhannaðar og nýir teigar teknir í notkun. Allt gert til þess að mæta nýjum viðmiðum sem afrekskylfingar síðari ára hafa sett.

Skipt hefur verið um gras á flötunum, á áttunda áratug síðustu aldar var grófu Bermúdagrasi skipt út fyrir fínlegra Bermúdagrasi til að jafna flötina. Í byrjun níunda áratugarins var svo língresi sáð í allan völlinn, enda þótti þá fullsannað að sú tegund puntgrasa hentaði best fyrir þútt-flatirnar.

Um miðjan áttunda áratuginn var svo skipt um sand í öllum sandgryfjum vallarins og hinn einkennandi hvíti feldspat-sandur fluttur inn frá Norður-Karólínu og látinn fylla gryfjurnar.



Phil Mickelson aðstoðar sigurvegara Meistaramótsins frá því í fyrra, Charl Schwartzel, við að klæðast jakkanum góða.

## VINNINGSHAFAR VELJA MATINN

Líkt og alsíða er í golfíþróttinni eru hefðirnar í hávegum hafðar og á því er engin undantekning á Meistaramótiinu. Frá árinu 1963 hefur mótið talist formlega hafið þegar einhver goðsögn úr golfheiminum tekur fyrsta höggið á fyrstu holunni.

Þá hefur kvöldverður grænklaeddra fyrrum sigurvegara og útvalinna liðsmanna Augusta National-klúbbsins öðlast sess sem órjúfanlegur hluti mótsins. Kvöldverðurinn var fyrst haldinn árið 1952 og hefur síðan þá verið blásið til hans árlega á þriðjudeginum fyrir mótið sjálft. Sigurvegari ársins áður er gestgjafi hverju sinni og fær að velja þá rétti sem bornir eru á borð. Þar reyna gestgjafar oftast en ekki að kynna fyrir viðstöddum þekktu rétti frá heimalandi sínu. Það leggst eins og gengur misvel í mannskapinn og voru víst ekki allir fyrrum meistarnir jafn ánægðir þegar skoski gestgjafinn Sandy Lyle bauð árið 1989 upp á skoskan blóðmör (e. haggis). Tiger Woods fór alveg nýjar leiðir þegar hann bauð upp á McDonalds hamborgara árið 1998, en það þótti videigandi fyrir „unglinginn“ sem hafði sigrað með yfirburðum árið 1997.

Árið 1960 var svo fyrst tekinn upphitunarleikur á nýjum þremur 3-velli, sem síðan þá hefur verið leikinn á hverjum miðvikudegi fyrir keppnina. Þar reyna keppendur Meistaramótsins með sér í upphitunarleik á þremur 3 holum velli sem er við keppnisvöllinn. Ekki gefur árangur á þessum upphitunarleik víst mikla vísbendingu um gengi á mótiinu sjálfu, en það hefur aldrei gerst í sögu keppinnar að sami kylfingur hafi unnið miðvikudagsmótið og Meistaramótið sjálft. Skipulagið á þremur 3-keppninni er talsvert óformlegra en mótið sjálft, og til dæmis er kylfingum leyfilegt að nota börnin sín sem kylfusveina þennan tiltekna dag.

Ein hefð sem einnig hefur fest sig í sessi er að sigurvegari hvers móts ánafnar klúbbnum eina af kylfum sínum. Fyrir vikið hefur klúbburinn yfir að ráða úrvali af sögufrægum kylfum sem hvert golfsafn væri fullsamt af.



Bobby Jones er einn sigursælasti kylfingur allra tíma. NORDICPHOTOS/GETTY

**Skipulagið á þremur 3-keppninni er talsvert óformlegra en mótið sjálft, og til dæmis er kylfingum leyfilegt að nota börnin sín sem kylfusveina þennan tiltekna dag.**

## GRÆNN JAKKI OG KRISTALSSKÁL

Sigurvegari Meistaramótsins ár hvert klæðist forlata grænum jakka sem hann hefur til afnota í heilt ár eftir sigurinn. Hann er auk þess kominn í fámannan hóp útvalinna sem fá boð í árlegan kvöldverð sem borinn er fram í Augusta National-klúbbnum ár hvert á þriðjudegi fyrir mótið sjálft eins og áður sagði.

Jack Nicklaus er sá kylfingur sem oftast hefur haft tök á að hengja græna jakkann upp í fataskápinn heima hjá sér, en hann hefur borið sigur úr býtum á mótiinu alls sex sinnum. Á hæla hans koma Tiger Woods og Arnold Palmer, sem báðir hafa unnið fjórum sinnum. Woods á þó enn möguleika á að gera tilkall til jakkans góða.

Jakkarnir hafa verið veittir ár hvert frá 1949, en auk sigurvegara eru það einungis meðlimir Augusta National-klúbbsins sem geta státað sig af eign-

arhaldi á grænum jakka. Það er sigurvegarinn frá árinu áður sem sér um að aðstoða nýkrýndan meistara við að komast í nýja jakkann. Um jakkaeignina gilda þó einhverjar reglur. Ekki er til dæmis í boði að spóka sig um í jakkanum árum saman eftir sigurinn, því honum verða kylfingarnir að skila eftir árið. Þeir fá þó að bregða sér í jakkann þegar þeir heimsækja klúbbinn.

Auk jakkans títtnefnda er sigurvegarinn leystur út með peningagjöf. Hún hefur orðið nokkuð ríflegri með árunum og hefur upphæðin sérstaklega hækkað síðastliðin ár. Horton Smith fór fyrstur með sigur úr býtum árið 1934 og taldi verðlaunaféð þá 1.500 dollara. Sigurvegari mótsins í fyrra, Charl Schwartzel, fékk hins vegar í sinn hlut tæpar 1,5 milljónir dollara eða sem nemur 180 milljónum króna.

Þá eru ótaldir kristalsgripir sem keppendum getur áskotnast eftir gott gengi meðan á mótiinu stendur. Sá spilari sem er með fæst högg eftir hvern dag fær að launum forlátan kristalsvasa, hver kylfingur sem nær erni á mótiinu fær að launum tvo kristalsbikara og sigurvegari þremur 3-mótsins er leystur út með kristalsskál.

Og ef peningagjafir, grænn jakki og kristalsgripir eru ekki nóg geta sigurvegarar mótsins glaðst yfir því að hafa með sigrinum á Meistaramótiinu tryggt sér sjálfkrafa þátttökurétt í hinum þremur stórmótum ársins: Opna bandaríska meistaramótiinu, Opna breska meistaramótiinu og PGA-mótiinu, auk þess að tryggja sér þátttöku í PGA-mótaröðinni til næstu fimm ára.

## EKKI FYRIR ALLA

Fyrst var sjónvarpað frá Meistaramótiinu á CBS-sjónvarpsstöðinni árið 1956, þá voru notaðar sex myndavélar til að mynda viðureignir á síðustu fjórum brautum. Umfangið hefur aukist jafnt og þétt með árunum, og aðgengi kvikmyndatökumanna og fréttamanna orðið sífellt meira eftir því sem hæstráðendur hjá Augusta National-klúbbnum veita meiri tilslakanir.

Aðgangur að mótiinu í formi aðgangsmiða er ekki á allra færi. Þó eru aðgöngumiðarnir ekki svo ýkja dýrir, miðað við íþróttaviðburði af þessari stærðargráðu, heldur er framboð miða afar takmarkað. Sækja þarf um aðgöngumiða með allt að árs fyrirvara og svo er dregið af handahófi úr umsóknum. Og þetta á eingöngu við um aðgang að upphitunarmótiinu. Miðar á keppnina sjálfa standa eingöngu skráðum liðsmönnum Augusta National-klúbbsins til boða. Í ár var þó gerð örlítil undantekning á því og ákveðið var að gefa nokkra miða á bæði æfingadaga og keppnina sjálfa til almennings.

● **ALLIR Í HVÍTU** Ein af þeim mörgu hefðum sem einkennir bandaríska meistaramótið í golfi er útbúnaður kylfusveina. Þeim er öllum gert að klæðast hvítum klæðnaði, sem merktur er kylfingnum þeirra á bakinu. Auk þess eiga þeir að vera með sérstakar grænar derhúfur og í hvítum íþróttaskóm.

Allt fram til ársins 1982 var keppendum gert að nýta þjónustu kylfusveina sem voru á mála hjá Augusta National-klúbbnum og máttu því ekki nota sína eigin sveina. Það var jafnframt bundið í lög og reglur klúbbsins að allir kylfusveinar klúbbsins skyldu vera svartir.

Kylfusveinn sigurvegara fyrra árs fær ávallt að merkja sig tölustafnum 1. Hinir kylfusveinarnir fá svo númer eftir því í hvaða röð kylfingurinn þeirra skræði sig til leiks í mótið.



Tiger Woods og aðstoðarmaður hans, Joe LaCava, á æfingadegi fyrir Mastersmótið.



# SPORTPÁSKAR

Mest spennandi hátíð ársins • sérútgáfa • apríl 2012

## UNDANKEPPNI ÓL Í BEINNI FRÁ KRÓATÍU KOMAST STRÁKARNIR Á ÓLYMPÍULEIKANA?

Ekkert kemur til greina nema sigur hjá íslenska landsliðinu.

Ísland - Chile, föstudag kl. 18.05

Ísland - Japan, laugardag kl. 16.05

Ísland - Króatía, sunnudag kl. 15.50

TRYGGÐU ÞÉR ÁSKRIFT OG FYLGSTU MEÐ STRÁKUNUM OKKAR!



## MASTERS FYRSTA RISAMÓT ÁRSINS Í BEINNI



Miðvikudag kl. 19.00 (Par 3 keppni)

Fimmtudag kl. 19.00

Föstudag kl. 20.00

Laugardag kl. 19.30

Sunnudag kl. 18.00

Stöð 2 Sport og fylgistöðvar

**216 KR.**

Á DAG

KAUPTU ÁSKRIFT Á STOD2.IS



Rory McIlroy og Tiger Woods verða án efa í baráttunni um græna jakkann.



# Hnífjöfn baráttu milli Tigers Woods og Rory McIlroy

Það hefur sjaldan ríkt eins mikil eftirvænting fyrir fyrsta risamót ársins í golfi enda margir líklegir til þess að gera atlögu að titlinum. Veðbankar eru flestir með Tiger Woods sem líklegan sigurvegara en ungstirnir Rory McIlroy frá Norður-Írlandi er einnig ofarlega á þeim lista. Ekki má gleyma Englendingunum Luke Donald og Lee Westwood en þeir eru í hópi þeirra sem hafa aldrei náð að sigra á risamóti á ferlinum. Donald er í efsta sæti heimslistans en

Westwood er í því þriðja. Skiptar skoðanir eru um hver muni standa uppi sem sigurvegari en viðmælendur Fréttablaðsins hafa aðeins trú á því að tveir kylfingar komi til greina sem sigurvegar. Og það kemur víst fáum á óvart að þeir eru Tiger Woods og Rory McIlroy. Fréttablaðið fékk nokkra áhugasama kylfinga til þess að spá fyrir um sigurvegarann í ár, en spámenirnir eru allir þekktir fyrir aðra hluti en golf.



### HLYNUR BÆRINGSSON

#### TIGER WOODS

Körfuknattleiksmaðurinn Hlynur Bæringsson, sem leikur með sænska liðinu Sundsvall, hefur aðeins verið að fikra sig áfram í golfþróttinni en hann hefur trú á því að Tiger Woods standi uppi sem sigurvegari á Mastersmótinu í ár. „Ég hef trú á því að Tigerinn fari aftur í gang. Hann hefur eins og allir vita ekki náð fyrri getu eftir alla skandalana og verið í miklu basli. Ég hef mikla samúð með mönnum sem eru í basli á golfvelli, enda þekki ég eingöngu þá hliðina á sportinu, að ströggla. En eins og ég trúi á að einn daginn muni mínir sönnu golfhæfileikar skína í gegn, þá trúi ég því að Tiger nái loksins að nálgast fyrri styrk og það mun skila honum sigri í mótinu,“ segir Hlynur Bæringsson.



### SIGURÐUR HLÖÐVERSSON

#### RORY MCILROY

Sigurður Hlöðversson eða „Siggi Hlö“ er gríðarlega áhugasamur kylfingur og hann ætlar að fylgjast vel með Mastersmótinu. Útvarpsmaðurinn efast um að Tiger Woods nái að landa sigri í fimmta sinn á ferlinum. „Ég veit að allra augu beinast að Tiger vegna þess að hann náði loksins að vinna mót. Ég sá hann reyndar vinna þetta sama mót árið 2009 þegar ég fór og elti hann á Bay Hill. Held að það hafi verið síðasta mótið sem hann vann. Ég held að hann vinni ekki Masters í ár, hann á við smá meiðsli að stríða og er ekki enn kominn í sitt besta form. Ég held með Rory McIlroy, finnst hann vera sá sem er að taka við keflinu af Tiger næstu 10 árin. Hann hefur þroskast mikið sem leikmaður og nú held ég að græni jakkinn verði hans. Margir tala um að Phil Mickelson muni gera harða hríð að jakkanum en ég spái að hann annaðhvort komist ekki í gegnum niðurskurðinn eða rétt merji það að komast áfram,“ segir Siggi Hlö.



### RÍKHARÐUR DAÐASON

#### RORY MCILROY

Norður-Írinn Rory McIlroy er efstur á listanum hjá Ríkharði Daðasyni, fyrrum landsliðsframherja í knattspyrnu. Ríkharður hefur eins og margir aðrir afreksíþróttamenn fengið mikla golfdellu eftir að ferlinum lauk. „Rory McIlroy sýndi í fyrra að hann getur spilað á Augusta, þó hann hafi skort reynslu til að klára mótið. Hann kom gríðarlega öflugur til baka aðeins nokkrum vikum síðar og rúllaði yfir samkeppnina á US Open þegar hann vann með 8 höggum. Jafnframt hefur hann verið að spila vel undanfarið og fór í fyrsta sinn í efsta sæti heimslistans þegar hann vann Honda Classic um daginn og lenti í þriðja sæti vikuna á eftir á Cadillac Championship. Rory McIlroy fær græna jakkann í fyrsta sinn á sunnudaginn,“ segir Ríkharður Daðason.

### EYJÓLFUR KRISTJÁNSSON



#### TIGER WOODS

Tónlistarmaðurinn Eyjólfur Kristjánsson er ekki í vafa um hver sigrar á Mastersmótinu í ár og hann hefur trú á reynslumiklum bandarískum kylfingum. „Þetta er mjög einfalt. Tiger Woods sigrar. Hann er nú á ný kominn með gamla blóðbragðið í munninn, Phil Mickelson kemur þar næst í kjölfarið,“ segir Eyjólfur Kristjánsson en hann hefur stundað golfþróttina af krafti og er án efa einn sá allra bestu úr röðum tónlistarmanna á Íslandi. Eða svo segir sagan.

# Hver er efstur á „næstum því“ listanum?

Bestu kylfingar heims sem enn hafa ekki náð að landa sigri á einu af stórmótunum fjórum vilja alls ekki bera þann titil að vera „sá besti“ sem hefur ekki náð risatitli. Phil Mickelson var ótrúlega lengi með þennan titil þar til hann náði loksins að vinna Mastersmótið árið 2004. Jason Day frá Ástralíu og landi hans Adam Scott voru líklegir til afreka á Mastersmótinu í fyrra ásamt Norður-Íranum Rory McIlroy – en sá síðastnefndi var með fjögurra högga forskot fyrir lokadaginn. Allir vita hvernig það endaði en McIlroy svaraði fyrir sig átta vikum síðar þegar hann vann Opna bandaríska meistaramótið með yfirburðum.

Golfsérfræðingurinn Justin Ray, sem skrifar fyrir bandaríska fréttavefinn ESPN, hefur reiknað

út hvaða 10 kylfingar skipa listann sem enginn vill vera á. „Næstum því sigurvegari á stórmóti-listinn“.

Eins og gefur að skilja beinist athyglin að Englendingunum Luke Donald og Lee Westwood sem skipa 1. og 3. sæti heimslistans. Þeir hafa enn ekki náð að brjóta ísinn en sá sem skipar efsta sæti á þessum lista er Spánverjinn Sergio Garcia. Á ferlinum hefur Garcia náð þeim árangri að enda 17 sinnum á meðal 10 efstu á stórmóti. Frá árinu 2000 hefur Garcia verið í þriðja sæti eða ofar fyrir lokadaginn á sex stórmótum. Garcia hefur ekki gert neinar rósir á Mastersmótinu á undanföllum árum – reyndar hefur hann ekki endað ofar en 35. sæti frá árinu 2004.

### ● NÆSTUM ÞVÍ-LISTINN ER ÞANNIG SKIPAÐUR

#### STIGAÚTREIKNINGURINN ER BYGGÐUR Á ÚTREIKNINGUM TÖLFRÆÐITEYMIS ESPN

1. Sergio Garcia	Spánn	34,2	stig
2. Lee Westwood	England	31,8	stig
3. Steve Stricker	Bandaríkin	24,9	stig
4. Dustin Johnson	Bandaríkin	21	stig
5. Luke Donald	England	20,3	stig
6. Adam Scott	Ástralía	20,2	stig
7. Jason Day	Ástralía	18,7	stig
8. K.J. Choi	Suður-Kórea	18,3	stig
9. Miquel Angel Jimenez	Spánn	16,1	stig
10. Nick Watney	Bandaríkin	14,9	stig

Sergio Garcia



# Grænn jakki og 180 milljónir kr

Verðlaunaféð á Mastersmótinu er gríðarlega hátt en þeir sem komast í gegnum niðurskurðinn skipta á milli sín rétt tæplega einum milljarði kr. eða 8 milljónum Bandaríkjadala. Sigurvegarinn fær rétt rúmar 180 milljónir kr. og græna jakkann að sjálf-sögðu. Verðlaunaféð hefur hækkað jafnt og þétt á undanförunum áratugum. Tom Watson

fékk 60.000 Bandaríkjadali fyrir sigurinn á mótinu árið 1981 eða rétt um 7,5 milljónir kr. Sá sem endar í 30. sæti á mótinu í ár má gera ráð fyrir að fá þessa upphæð í dag. Frá árinu 1999, þegar Spánverjinn José María Olazábal sigraði á Mastersmótinu í annað sinn á ferlinum, hefur verðlaunaféð fyrir efsta sætið á mótinu hækkað um helming.



Hord W. Hardin, formaður Augusta, horfir á þegar Spánverjinn Seve Ballesteros klæðir Bandaríkjamanninn Tom Watson í græna jakkann árið 1981.

NORDICPHOTOS/GETTY

GRÍÐARLEG HÆKKUN Á VERÐLAUNFÉ...					
Ár	Meistari	Land	Árangur	Verðlaunafé \$	Verðlaunafé kr.
2011	Charl Schwartzel	South Africa	-14	\$ 1.440.000,00	181.440.000 kr.
2010	Phil Mickelson (3)	USA	-16	\$ 1.350.000,00	170.100.000 kr.
2009	Ángel Cabrera	Cuba	-12	\$ 1.350.000,00	170.100.000 kr.
2008	Trevor Immelman	South Africa	-8	\$ 1.350.000,00	170.100.000 kr.
2007	Zach Johnson	USA	1	\$ 1.305.000,00	164.430.000 kr.
2006	Phil Mickelson (2)	USA	-7	\$ 1.260.000,00	158.760.000 kr.
2005	Tiger Woods (4)	USA	-12	\$ 1.260.000,00	158.760.000 kr.
2004	Phil Mickelson	USA	-9	\$ 1.117.000,00	140.742.000 kr.
2003	Mike Weir	Canada	-7	\$ 1.080.000,00	136.080.000 kr.
2002	Tiger Woods (3)	USA	-12	\$ 1.008.000,00	127.008.000 kr.
2001	Tiger Woods (2)	USA	-16	\$ 1.008.000,00	127.008.000 kr.
2000	Vijay Singh	India	-10	\$ 828.000,00	104.328.000 kr.
1999	José María Olazábal (2)	Spain	-8	\$ 720.000,00	90.720.000 kr.
1998	Mark O'Meara	USA	-9	\$ 576.000,00	72.576.000 kr.
1997	Tiger Woods	USA	-18	\$ 486.000,00	61.236.000 kr.
1996	Nick Faldo (3)	Denmark	-12	\$ 450.000,00	56.700.000 kr.
1995	Ben Crenshaw (2)	USA	-14	\$ 396.000,00	49.896.000 kr.
1994	José María Olazábal	Spain	-9	\$ 360.000,00	45.360.000 kr.
1993	Bernhard Langer (2)	Germany	-11	\$ 306.000,00	38.556.000 kr.
1992	Fred Couples	USA	-13	\$ 270.000,00	34.020.000 kr.
1991	Ian Woosnam	Wales	-11	\$ 243.000,00	30.618.000 kr.
1990	Nick Faldo (2)	Denmark	-10	\$ 225.000,00	28.350.000 kr.
1989	Nick Faldo	Denmark	-5	\$ 200.000,00	25.200.000 kr.
1988	Sandy Lyle	Scotland	-7	\$ 183.800,00	23.158.800 kr.
1987	Larry Mize	USA	-3	\$ 162.000,00	20.412.000 kr.
1986	Jack Nicklaus (6)	USA	-9	\$ 144.000,00	18.144.000 kr.
1985	Bernhard Langer	Germany	-6	\$ 126.000,00	15.876.000 kr.
1984	Ben Crenshaw	USA	-11	\$ 108.000,00	13.608.000 kr.
1983	Seve Ballesteros (2)	Spain	-8	\$ 90.000,00	11.340.000 kr.
1982	Craig Stadler	USA	-4	\$ 64.000,00	8.064.000 kr.
1981	Tom Watson (2)	USA	-8	\$ 60.000,00	7.560.000 kr.

## Grill, blóðmör og ostborgarar

Ein af fjölmörgum hefðum á Meistararamótinu er að sigurvegari frá árinu áður býður í mat í aðdraganda mótsins. Þessi hefð komst á árið 1952 og hefur haldist allar götur síðan. Í ár var því komið að Charl Schwartzel að velja matinn sem borinn var á borð fyrir keppendur og fáeina útvalda í Agustaklúbbnum í gærkvöldi.

Schwartzel, sem er frá Suður-Afríku, sendi inn beiðni til hæstaráðenda hjá klúbbnum um að fá að halda óformlegri veislu en tíðkast við þessi tímamót. Grillið ætti að vera í aðalhlutverki og þar yrðu

framreiddar steikur, lambakjöt og pylsur.

Matseðlarnir hafa verið afar fjölbreyttir í gegnum tíðina, og reyna sigurvegararnir oft en ekki að flétta matarhefðir heimalandsins inn í matseðilinn. Þannig bauð Englendingurinn Nick Faldo árið 1997 upp á fisk og franskar og Skotinn Sandy Lyle bauð upp á skoskan blóðmör (e. haggis) árið 1989. Tiger Woods leitaði svo á náðir McDonalds þegar hann fékk að ráða ferðinni árið 1998, en þá var einfaldlega boðið upp á ostborgara, franskar og mjólkurhristing.



Charl Schwartzel bauð upp á grillstemningu í anda Suður-Afríku á Augusta.

## MASTERS VORTILBOÐ

FRÍR KASSI AF PRO V1 OG FRÍ SÉRMERKING

MASTERS golfmótið markar oft á tíðum upphaf golf tímabilsins á Íslandi Titleist Pro V1 er vinsælasti boltinn á MASTERS



PANTAÐU 3 KASSA AF SÉRMEKTUM TITLEIST PRO V1 EÐA PRO V1X Í NÆSTU GOLFFERSLUN OG ÞÚ FÆRÐ FJÓRÐA KASSANN FRÍTT  
FRÍ MERKING\* OG FRÍR KASSI | BOLTAR AFHENTIR 16. APRÍL – 7. MAÍ

TILBOÐIÐ GILDIR FRÁ 30. MARS – 20. APRÍL | ALLIR KASSAR Í SÖMU GERÐ OG MEÐ SÖMU MERKINGU  
\*1-3 LÍNUR AF TEXTA – HÁMARK 17 STAFIR Í LÍNU – HÁSTAFIR Í RAUÐU EÐA SVÖRTU – ÍSLENSKIR STAFIR Í BÓÐI



**KEPPENDALISTINN**

Alls eru 92 kylfingar með keppnisrétt á 76. Mastersmótinu. Kylfingarnir eru bandarískir nema annað sé tekið fram. Keppendalistinn er þannig skipaður:

- Aaron Baddeley (Ástralía)
- Sang-moon Bae (Suður-Kórea)
- Thomas Bjorn (Danmörk)
- Keegan Bradley
- Jonathan Byrd
- Angel Cabrera (Argentína)
- Patrick Cantlay
- Paul Casey (England)
- Kevin Chappell
- K. J. Choi (Suður-Kórea)
- Stewart Cink
- Tim Clark (Suður-Afríka)
- Darren Clarke (Norður-Írland)
- Fred Couples
- Ben Crane
- Ben Crenshaw
- Jason Day (Ástralía)
- Luke Donald (England)
- Jason Dufner
- Simon Dyson (England)
- Gonzalo Fernandez-Castano (Spánn)
- Ross Fisher (England)
- Rickie Fowler
- Harrison Frazar
- Jim Furyk
- Sergio Garcia (Spánn)
- Robert Garrigus
- Lucas Glover
- Bill Haas
- Anders Hansen (Danmörk)
- Peter Hanson (Svíþjóð)
- Padraig Harrington (Írland)
- Charles Howell III
- Trevor Immelman (Suður-Afríka)
- Ryo Ishikawa (Japan)
- Fredrik Jacobson (Svíþjóð)
- Miguel Angel Jimenez (Spánn)
- Dustin Johnson
- Zach Johnson
- Robert Karlsson (Svíþjóð)
- Martin Kaymer (Þýskaland)
- Kyung-Tae Kim (Suður-Kórea)
- Kelly Kraft
- Matt Kuchar
- Martin Laird (Skotland)
- Bernhard Langer (Þýskaland)
- Paul Lawrie (Skotland)
- Randal Lewis
- Sandy Lyle (Skotland)
- Bryden Macpherson (Ástralía)
- Hunter Mahan
- Hideki Matsuyama (Japan)
- Graeme McDowell (Norður-Írland)
- Rory McIlroy (Norður-Írland)
- Phil Mickelson
- Corbin Mills
- Larry Mize
- Edoardo Molinari (Ítalía)
- Francesco Molinari (Ítalía)
- Kevin Na
- Geoff Ogilvy (Ástralía)
- Sean O'Hair
- Jose Maria Olazabal (Spánn)
- Mark O'Meara
- Louis Oosthuizen (Suður-Afríka)
- Ryan Palmer
- Ian Poulter (England)
- Alvaro Quiros (Spánn)
- Chez Reavie
- Justin Rose (England)
- Rory Sabbatini (Suður-Afríka)
- Charl Schwartzel (Suður-Afríka)
- Adam Scott (Ástralía)
- John Senden (Ástralía)
- Webb Simpson
- Vijay Singh (Fíjí)
- Brandt Snedeker
- Craig Stadler
- Scott Stallings
- Kyle Stanley
- Brendan Steele
- Henrik Stenson (Svíþjóð)
- Steve Stricker
- David Toms
- Bo Van Pelt
- Scott Verplank
- Johnson Wagner
- Nick Watney
- Bubba Watson
- Tom Watson
- Mike Weir (Kanada)
- Lee Westwood (England)
- Mark Wilson
- Gary Woodland
- Tiger Woods
- Ian Woosnam (Wales)
- Y. E. Yang (Suður-Kórea)

# Áhugamaður með meistaranum í ráshóp

Charl Schwartzel frá Suður-Afríku hefur titil að verja á Mastersmótinu og samkvæmt venju mun hann vera í ráshóp með sigurvegaranum á bandaríska áhugamannameistaramótinu, Kelly Kraft, fyrstu tvo keppisdagana. Bandaríkjamaðurinn Keegan Bradley verður með þeim í ráshóp en hann sigraði á PGA-meistaramótinu í fyrra. Tiger Woods verður í ráshóp með Spánverjanum Miguel Angel Jimenez og

Sang-Moon Bae frá Suður-Kóreu. Rory McIlroy verður í ráshóp með Argentínumanninum Angel Cabrera og Bandaríkjamanninum Bubba Watson. Aðrir áhugaverðir ráshópar: (Phil Mickelson, Hunter Mahan, Peter Hanson), (Luke Donald, Francesco Molinari, Nick Watney), (Fred Couples, Darren Clarke, Ryo Ishikawa), (Vijay Singh, Lee Westwood, Jim Furyk), (Zach Johnson, Ian Poulter, Patrick Cantlay).



Bubba Watson verður með Rory McIlroy í ráshóp fyrstu tvo dagana.



## Fólkið í landinu les Fréttablaðið

Ný fjölmiðlakönnun Capacent Gallup staðfestir vinsældir Fréttablaðsins enn einu sinni. Til dæmis lesa 70% íbúa höfuðborgarsvæðisins milli átján og fimmtugs að meðaltali hvert tölublað Fréttablaðsins - næstum þrefalt fleiri en lesa það dagblað sem kemur næst á eftir.

Við erum stolt af þessum glæsilega árangri og munum halda áfram að miðla skemmtilegu og upplýsandi efni, hlusta á raddir lesenda og vera líflegur vettvangur fyrir skoðanaskipti.

18-49 ára	Höfuðsv.	Landið allt	12-80 ára	Höfuðsv.	Landið allt
Fréttablaðið	70%	57,5%	Fréttablaðið	73,0%	59,4%
Morgunblaðið	25%	26,8%	Morgunblaðið	32,1%	33,1%
DV	13,1%	11,6%	DV	13,3%	12,2%
Fréttatíminn	48,4%	35,9%	Fréttatíminn	54,8%	40,8%
Finnur.is	30,2%	22,6%	Finnur.is	38,8%	29,5%
Monitor	25,3%	22,5%	Monitor	25,5%	23,7%
Viðskiptablaðið	7,6%	7,6%	Viðskiptablaðið	10,2%	9,1%

Prentmiðlakönnun Capacent Gallup, Október til desember 2011, meðallestur á tölublað.



Allt sem þú þarft...